

آبونه شرائطی

داخلی، خارجی، هریر ایچون
سنه لکی (۲۵۰)، آلتی آیانی
(۱۳۰) غروشددر.

نسخه سی ۵ غروش،
سنه لکی ۵۲ نسخه در

اداره خانه

باب عالی جاده سنده دائره مخصوصه
اخطارات
آبونه بدلی پشیندر

مسئله موافق آثار مع الممنونیه
قبول اولتور. درج ایدله این
یازیر اعاده اولونماز

کتابخانه

۱۳۳۷

دینی، فلسفی، عامی، ادبی هفته لوق مجموعه اسلامیه در

باش محرر صاحب و مدیر مسئول

اشرف ادیب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد: ۴۴۹

۲۲ ذی الحجه ۱۳۳۷

پنجشنبه

۱۸ ایلول ۱۳۳۵

جلد ۱۷

اخطارات

ادرس تبدیلنده آیریمجه بش
غروش کوندرملایدر

مکتوبلرک امضالری واضح
واوقونالی اولسی و آبونه صره
بومروم محتوی بولنسی لازمدر

مالک اجنبیه ایچون آبونه
اولانلرک آدرس لرینک فرانمز
جهده یازلسی رجا اولتور.

پاره کوندردلکی زمان نه یه دائر
اولدیغنک واضحا بیلدیرلمی
رجا اولتور.

اسرار قرآن

بسم الله الرحمن الرحيم

« واذ واعدنا موسى اربعين ليلة ثم اتخذتم العجل من بعده وكنتم ظالمون . ثم عفونا عنكم من بعد ذلك لعلكم تشكرون . واذ آتينا موسى الكتاب والفرقان لعلكم تهتدون واذ قال موسى لقومه يا قوم انكم ظلمتم انفسكم باخذكم العجل فتوبوا الى بارئكم فاقتلوا انفسكم ذلكم خير لكم عند بارئكم فتاب عليكم انه هو التواب الرحيم . »

وقتا که فرعون ایله اردولری جناب حق اهلاك بیوردی ، حضرت موسی وعد بیوریلان تورانی تاقی ایتک اوزره جانب طوره عزیمت ایتک ایستدی . وعدالهی موجبجه تورانی تاقی ایتک ایچون قرق کیجه نك تمام اولسی تمین اولمشدی . بناء علیه حضرت موسی قرده شی هارونه کنديسنك حضور ربانی به شتابان اوله جتنی بیان ایله بنی اسرائیل آره سنده قالسنی وداثما طریق صلاحی تعقیب وطریق فساددن اجتناب ایلسنی توصیه ایلشدی . هارون ، نزدنده سامری اولدینی حالده ، بنی اسرائیل آره سنده قاله رق اونلری حضرت موسایه قاروشد برقی اوزره ایزندن کوتورو بیوردی . بنی اسرائیل مصردن چقیقورکن برابرلرنده ، قبطیلره اقراض ایتدکلری پاره مقابلنده رهن آلدکلری بر چوق مجوهرات بولنیوردی که بنی اسرائیل هر زمان وهریرده بو صورتله حرکت ایدولر .

هارون ، بنی اسرائیلک نزدنده بو مجوهراتی کورنجه بونلرک غنیمت اولدیغنی ، غنیمتک بنی اسرائیله حلال اولدیغنی ، وبناء علیه بو مجوهراتک کانه سی طوپلایه رق برچوقوره کومک اقتضا ایتدیکنی ، حضرت موسی عودت ایتدیکی زمان غنیمتی حلال قیلارسه او زمان اونلری اورادن آله بیله جکلرنی ، عکس تقدیرده حلال اولمان برشی قوللانماش اوله جکلرنی سولشدی . بونک اوزرینسه بنی اسرائیلک النده بولنان مجوهرات طوپلانمش وبرچوقوره کومولشدی .

سامری ایسه قوم موسایی استغفال ایله ساحرلرله حقه بازلرک یاپدینی کی یردن بر آووج طوپراق آلمش ، بونک حضرت جبرائیلک باصدینی یردن آلدیغنی و بونکله اورته به چقیقه حق اولان بوزاغینک اوکوزک کسب حیات ایدجکی دربان ایدرک او طوپراغی بره سریمشدی . متعاقباً او مجوهراتدن بر بوزاغی وجوده کتیرمشدی که بو بوزاغی بوکوریوردی .

طبیعی زمان حاضرده بر طاقیم فابریقه لرک یاپدینی صنایعی حیوانلک ناصیل بوکوردو کئی وسایلر چیقاردیغنی بیلنلر بو بوزاغینک بوکورمشدن هیچده استغراب ایتزلر . سامری بوزاغی بی یاپدقندن صکره بنی اسرائیله ایشته سزک و موسانک طاپدینی اله بودر ، دیدی . حضرت هارون ، بنی اسرائیلک بو ضلالتیه دوشمه سی ایچون قومنه ابدال نصیحت ایتدیکی حالده اونلر حضرت موسانک عودتیه قدر بوزاغی به طایمقندن واز کچمیه جکلرنی بیان ایتدیلر . بنی اسرائیل بوزاغینک ضعف وعجزینی ، نه بر ایلک ، نه ده بر فنانی ایضاعنه قادر اولمادیغنی کوردکلری حالده بوزاغی به محبت پرورده ایتمکدن فراغت ایتدیلر .

هارون ایسه کنديسیله قالان جماعته برابر بوزاغی به طاپانلره اعلان حرب ایتیه رک موسانک عودتی بکله مشدی .

حضرت موسی متأثر ومتأسف عودت ایتدیه قومنه جناب حق سزه کوزل وعدلرده بولنده می ؟ وعد ربانینک زمان ایضای بکمی اوزادی ، یوقسه اللهک غضبی ایسته دیکزده می آره مزده کی وعدی بوزدیکز ؟ دیدی . بنی اسرائیل « حضرت موسایه ویردیکی سوزی ایسته یه رک وقصد ایدرک بوزمادیغنی ، سامرینک اونلری الداندیغنی ، قبطیلرک مجوهراتی اوزرینه سریدینی بر آووج طوپراقله بوکورده بر بوزاغی چیقاره جتنی سولسنه بناء ویران سوزک بوزولدیغنی سولیلدیلر . بنی اسرائیل بیلیم یوردی که بوزاغینک سسلنمه سی کورمدکلری بر طاقم الاتک اثریدر . نته کیم فابریقه لر اوله قوشلر ، اوردکلر ، بوزاغیلر یاپیورکه کیمی آیقلری اوزرنده بوریور ، کیمی قانادلرنی چیرپندی بیور ، اوچبور ، اوتیور .

بنی اسرائیل موسایه وقعه یی اکلانجه حکمرت موسی اونلره توبه ایتیه امر ایتدی . اونلرده توبه ایتدیلر . یوقسه جناب حق ایسته . سیدی عقاب الهمسنی تمجیل ایدردی . حالبوکه اونلری طوغری بی کورونجه به قدر امهال ایتدی و ارتکاب ایتسدکلری فنانقندن واز کچمیه ینه قبول ایتدی .

حضرت موسی قومنه ، ارتداد ایتک و بوزاغی به طایمق کئی ارتکابلرندن طولانی نفسلرنی فرط حزن و کدرله تولدورمه لرینی امر ایتدی . اونلرده امرینه اطاعت ایتدیلر . شاید جناب حق ، انسانلرک خیره نائل اولقی ایچون کوستردکلری استعجال درجه سنده شری ده تمجیل ایتسه ییدی انسانلر محقق محو اولوردی ، هیچ بر توبه لای قبول اولمازدی . فقط الله ، رحمتی نمی ایدن وعذابندن قورقانلره رحمتی رایکان بیورر .

بو قصه نك ایرادنن مقصد مدینه یهودیلری ایچنده رسول الله افندمه قارشى التزام عداوت وعناد ایدلره جناب حقک سلفرینه نصل معامله ایتدیکنی ، اونلرک دین حقندن ارتداد ، مقتضای عقله مخالفت وبر طاقم وهملرم انقیاد ایتلرینه رغماً ینه الله تعالی نك اونلرک احسان الهمسیله ، رحمت سبحانیه سیله سیراب ایتدیکنی اخطار ایتمکدره

شرفک، مشرف عمرک، عمر بمضاد، بمضادک ریسک، ریس زاسفرک، زآخر محمدک، محمد علیک، علی ده وھب التیمی النجدی نام ذاتک مخدومیدر۔ بو مذهبک تقرر وتعممنہ خدمت ایدن ینہ محردر۔ عبدالوھابک بو مذهبہ تعلق ایدن اعتقادیات ایله قطعاً مناسبتی یوقدر۔ مذهبک عبدالوھابہ نسبتی مجازیدر۔ حتی بو مذهبہ حائد بعض مسائل اعتقاد دیندن طولای بابا ایله اوغل بیننده شدید برزاع واختلاف ده وار ایدی۔ چونکہ عبدالوھاب مخدومک مسلك اعتقادینہ جدّاً مخالف ایدی۔

محمد بلاد نجدیہ دن ومسیلمة الکذابک ملکیتی اولان یمامہ نواحیسندن اولان عینہ قصبہ سنندہ تولد ایتش و پدربینک ده تربیہ سی آئندہ بتشمشدر۔ پدربری او صیرده عینہ قضیسی ایدی۔ و مأموریتی ده معہور عینہ امیری محمد بن حمد بن عبداللہ بن معمرک زمان امارتہ مصادف ایدی۔ عینہ اولوقت محمدک التندن جیقمامش اولدینی کی عبدالوھاب ده حریمہ قصبہ سنہ هنوز نقل خانہ ایتماش ایدی۔

محمد فقہ حنبلی پدربندن اخذ وتعلم ایتکله برابر صغرسنندن اعتباراً دخی تفسیر، حدیث، عقاید کی علوم شرعیہ نک تدقیق وتتبیعہ حصر مشغولیت ایتش ایسہ ده طریق تحصیل بر استاد مخصوص ودائمک ارشاد وتعلیمی صورتیلہ تعقیب ایتدیکندن طولای آیات واحادیثک ظواہر لرینہ تمسکدن بشقہ برنی طانیماش وبوحال ایسہ کندوسی امور دینیہ ده مفرط بر تعصبہ معروض قلمشدر۔ بر آدمک دینہ تعلق ایدن خصوصاً کندی رأی ذاتینہ استناداً استنباط احکامہ قائلشمسی جمهوره مخالفقلہ خرق اجماع کی بر جوق محاذیر وتہاہیکہ معروض قلمسینی انتاج ایدرجکی طبیعیدر۔ ایشتہ محمد بویلہ بر مسلك نتیجہ سی ایدی کہ بر جوق خصوصاً ندہ نجد اھالیسک حریت اعتقادیدر۔ لرینہ تعرضلہ کندولرینی تنقیدہ جرات ایلدهی۔

محمد بوصیرہ لردہ عینہ دن وفارققلہ حجازہ عزیمت ایتدی۔ بعدالحج مدینہ منورہ کلوب اصلاً نجدک سدر ناحیہ سنندہ واقع مجمہ بلده سی رؤسائندن و آل سیفدن اولوب «العذب الفاضل فی علم الفرائض» نام اثرک مؤلفی شیخ ابراہیمک بدری بولنان عبداللہ بن ابراہیم بن یوسفدن بعض علوم اخذ وتعلم ایتدی۔

محمد مدینہ منورہ ده بولندقیجہ خانی حضرت پیغمبردن استغاثہ واستعانہ ده بولندقلرندن طولای طمن وتشیع ایدر وجناب حقہ قارشئ وسیلہ کبری واسطہ عظمی اولان رسول اللہ افندمک حال حیاتاریلہ حال نماتلرینک بر اولدینی حقندہ جمهور علمانک متفق الرأی اولدقلرینی نظراعتبارہ آلمزدی۔ ایشتہ محمدک بو بابده غلو ایتسندن متحصل الک بیوک خطابیہ ده بو ایدی۔

محمد مدینہ منورہ ده بر مدت اقامت ایتدکدن صوکرہ نجدہ عودت ایدرک اورادن ده بصریہ کلدی، و بر مدت بصردہ اختیار اقامتلہ عالم مشہور شیخ محمدالمجموعینک خلقہ تدریسہ دوام ایتدیسہ ده طومش

بناء علیہ مدینہ یهودیلری مسلمانلغہ قارشئ کلیور، ورسول اللہ افندمزلہ حرب ایدیورلرسہ اولرک اجدادی دھافاسنی، دھابدترینی یامش۔ یعنی ارتداد ایتش وبوزاغی یہ طابعشلردی۔ فقط بالاخرہ عقللرینی طولایہ رق باشلرینہ نہ کادیکنی دوشونمشلر، الداتلش اولد۔ قلوبی، سامرینک حیلہ لرینہ قاندقلرینی ادراک ایتشلر وبناء علیہ حضرت موسی توبہ ایتلرینی ایستہ نجه هان توبہ ایدرک اللہ رجوع ایتشلردی۔ مدینہ یهودیلری ایسہ اللہ ایمان ایتدکارینی، تورانک آیاتہ طوتوندقلرینی ادعا ایتدکلری حالده جناب حقک حرب امیلرندن برینہ وحی الہیسی ازال ایدہ جکی انکار ایدرک بونک اوزرندہ اصرار ایتشلر وتوبہ ده ایتماشلردی۔ بولر، اویا قلمش یولہ صاپان اجدادینک یولندہ کیتسہلر، بولردن توبہ ایدلرہ جناب حقک احسانلرینی دوشو۔ لسلر نہ ابی اولوردی۔ چونکہ جناب حق توبہ ایدن قوللرینک توبہ سی قبول ایدر۔ گناہلرینی عفو ایدر۔ باخصوص جناب حق اولرہ کتاب وفرقانی ازال ایتدیسہ مقصد اولرک ہدایہ دکلیدی؟ صکرہ توبہ ایدنلرک گناہلرینی باغیشلامی آنجق نعم الہیہ سنہ شکر ایتلری ایچون دکلکی؟

مدینہ یهودیلری، علیہ الصلاة والسلام افندمک ہدایت ودین حق ایله کلمسینی چکمیہرک اھل کتاب و اھل علم اولدقلری حالده او قومہ سی، تحصیل اولیان برامینک یولندہ کیتمکدن استنکاف ایتدیلر۔ بوندن طولاییدرکہ سلفلری حقندہ اللہک لطفلرینی بیان ایتک اقتضا ایتشدی۔ جناب حق فضل الہیسی ایستہ دیکنہ بخش ایدر۔

عبدالعزیز چا ویش

وھابیلک

وھابی مذهبک مؤسس بولونان شیخ محمد عبدالوھابک صورت ظہوریلہ مذهب مذکور نہ بولده تأسیسہ موفق اولدینی حقندہ مذاہب وطرق اسلامیہ تاریخنک مؤلف عالی سی فاضل محترم شیخ الاسلام سابق حیدری زاده ابراہیم افندی حضرتلری طرفندن فلمہ آندان شومقالات، نجدہ اجرای سیاحتلہ بو بابده اوزون اوزادی بہ تدقیقات وتبہاتہ بولونمش اولان بعض علمانک غیر مطبوع آثار قیمتدارندن اقتباس ایدیلدی کہوتلہ بیوک اہمیت وقیمت تاریخیہ یی جائز بولوندیغندن محترم قارئلر طرفندن دقتلہ تعقیب بیورولمیدر۔

وھابی مذهب اھل سنت وجماعتک قدمای حنابلہ قسمندن تفرع ایتش بر مذهبدر۔ بو مذهب سلطان حمید اول حضرتلرینک دور سلطانلرندہ ظہور ایتشددر۔ بو مذهبک مؤسس محمد بن عبدالوھاب نام فانددر۔ عبدالوھاب ده سلیمانک اوغلیدر۔ سلیمان علینک، علی احمدک، احمد راشدک، راشد بریدک، برید محمدک، محمد بریدک، برید